

Nampa Tri Jon

Nægkiariien sə rani mə nəfe i nəkukuə

Jon rırai nəkukuə i kani mə Nampa Tri Jon revən ti in riti nəghın nə Kaius. Kaius in iəmə asori riti səvəi nakalasia me. Ia nousəsimwinien səvəi nakalasia me fwe imwei Kaius iərman riti nəghın nə Tiotrefes. In rəpwəh nokeikeiien mə nakalasia me tuhəsevər ia rukwənu səvənraha ti nərmama səməme haməvisau nəgkiariien səvəi Kumwesən ia kwopun me. Jon rırai nəkukuə i mə trəgnəgini Kaius mini tanak tukwe ti nasituien səvənhi. In rırai mwi nəkukuə i mə trəgkiari skai m Tiotrefes mə in rıpkasitu mhə. Jon rini mə traməkeikei mevən akwauakw fwe ikın masitu ia nirəha.

Nægkiariien sə rakupwən

¹*Iou elta səvəi nəfwakiien. Iakamrai nəkukuə i rauvehe tukw ik Kaius keikei. Iakokeikei pərhiən ik. ²Piak keikei. Iakəfwaki maməres mə tikamarə amasan ia narimnari me pam. Iakaməres mwi mə tikəsanin a nemhəien riti trıpkuvehi mhə ik rəmwhen ikamarə amasan ia nımıruien səim.

Jon rerin ragien ti noien amasan səvəi Kaius

³*Rerik ragien nəpın iakregi piəvtaha me nepwin həuvehe mhəni irapw nıpərhiənien səim. Irəha həni mə ia nəpın me ikamesi pen nəgkiariien sə ro nıpərhiənien. ⁴Nəpın iakregi mə nıpwnətık me kamhesi pen nəgkiariien sə ro

* **1:1:** 2Jon 1 * **1:3:** 2Jon 4

nīpārhiēnien rerik ragien pik māpi raka nāpīn rerik ragien tī narimnari me nepwīn. ⁵ Piak keikei. Ia nāpīn me pam ikamo noien amasan, mamasitu ia piāvtaha me sāmame hāuvehe tukw ik nāri auēr a mā ikreirei irāha. ⁶ *Irāha hāuvāni irapw raka nokeikeiēn sām ia nāmri nakalasia me ia kwopun i. Trīni mīnuā nepwīn mwi hāuvehi suatuk sāvānraha mhāuvehe tukw ik, ramasan mā tikamasitu mwi ia nirāha ia noien sē Kumwesān rokeikei. ⁷ *Tiko iamīnhi irā tī nāri nā mā irāha hāuvāier imwānraha mā tuhāvān mhāvisau irapw nāghi Iesu Kristo. Nānā ia suatuk sāvānraha irāha hāpkuvehi mhā nasituiēn riti ruku pen tī nārmama sāmame hāreirei Kumwesān. ⁸ Kitaha tsamākeikei mhasitu ia nārmama me ho iamīnhi mā kitaha tsāuvehi rāgitaha me mho kuatia tī nīni irapwīēn nāgkiariēn sē ro nīpārhiēnien.

Tiotrefes mīne Temetrius

⁹ Iakuvārai raka nākukuā riti ruvehe tī nakalasia me nā imwam. Mātē Tiotrefes, iamā sē rokeikei mā trakupwān ia nirāha, ripkātārig mhā nāgkiariēn sēiou. In ripkātārig mhā irā tī nāri nā mā in ramo nāri auēr a ia nasoriēn sākīmaha. ¹⁰ Trīni mīnuā iakuvehe, takīni irapw narimnari me sē in ramo. Takīni irapw nāgkiariēn ārāha me sē in ramīni mauāsi kīmaha irā. Ripko mhā in a nā in ramo. Mātē nāpīn piāvtaha me hāuvehe, in ripkāsēvār mhā ia nimwā sāvānhi tī nirāha, nānā mamīnise mwi nārmama sāmame hokeikei mā tuho, mamārhi irapw irāha ia nāmri nakalasia me. ¹¹ *Piak keikei. Tikāpwāh nesi peniēn noien ārāha, mātē tikesi pen noien amasan. Iārmama sē ramo

* **1:6:** Taet 3:13 * **1:7:** 1Kor 9:12,15 * **1:11:** 1Jon 3:6-10

noien amasan in sǝvǝi Kumwesǝn. Iǝrmama sǝ ramo noien ǝrǝha in rǝrǝrei Kumwesǝn. ¹² *Mǝtǝ nǝrmama pam kǝmhǝni amasan Temetrius. Noien sǝvǝnhi ramahatǝn pen mǝ in ramesi pen nǝgkiariien sǝ ro nǝpǝrhienien. Kǝmaha mwi iahamǝni mǝ in iǝmǝ amasan riti. Nǝnǝ kǝmiaha hiǝukurǝn mǝ nǝfe kǝmaha iahamǝni ro nǝpǝrhienien.

Nǝgkiariien sampam

¹³ *Nǝgkiariien me i rǝpǝk iakuǝ takrai mini pehe tukw ik, mǝtǝ iakǝpwǝh nokeikeiien mǝ takrai pen ia nǝmwai nǝkukuǝ. ¹⁴ Rerǝk ramrhi mǝ trǝpko mhǝ tui iakuvehe tukw ik, nǝnǝ krau krouǝtǝ nǝmrǝrau me rouǝgkiari. ¹⁵ Iakǝfwaki mǝ nǝmǝrinuien tramǝ tukw ik. Nǝnǝ ik me nepwǝn ia kwopun i hǝni pehe ramasan tukw ik. Tikǝni tukwini ramasan sǝkǝmaha revǝn ti piǝvtaha me nepwǝn nǝ kǝmiaha minraha.

* **1:12:** Jon 19:35 * **1:13:** 2Jon 12

Nəkukuə Ikinan
The New Testament in the Nafe (Kwamera) language
of Southeast Tanna, TAFEA Province, Vanuatu
Niutestamen long lanwis Nafe blong Vanuatu.
Le Nouveau Testament dans la langue Nafe de
Vanuatu.

copyright © 2013 Wycliffe Bible Translators, Inc.

Language: Nafe (Nafe)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-06-18

PDF generated using Haiola and XeLaTeX on 11 Nov 2022 from source files dated 30 Nov 2021

26b0f540-c192-5878-be67-18ede9ab1416